

**UJEDINJENE
NACIJE**



Međunarodni sud za krivično
gonjenje osoba odgovornih
za teška kršenja međunarodnog
humanitarnog prava počinjena
na teritoriji bivše Jugoslavije
od 1991. godine

Predmet br. IT-09-92-T
Datum: 26. februar 2014.
Original: engleski

PRED PRETRESNIM VIJEĆEM I

U sastavu: sudija Alphons Orié, predsjedavajući
sudija Bakone Justice Moloto
sudija Christoph Flügge

Sekretar: g. John Hocking

Nalog od: 26. februara 2014.

TUŽILAC

protiv

RATKA MLADIĆA

JAVNO

**NALOG O RASPOREDU I ZAKLJUČENJU DOKAZNOG
POSTUPKA TUŽILAŠTVA**

Tužilaštvo:

g. Dermot Groome
g. Peter McCloskey

Obrana Ratka Mladića:

g. Branko Lukić
g. Miodrag Stojanović

PRETRESNO VIJEĆE I Međunarodnog suda za krivično gonjenje osoba odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine (dalje u tekstu: Vijeće);

IMAJUĆI U VIDU Nalog o rasporedu koji je Vijeće izdalo 13. januara 2014. godine (dalje u tekstu: Nalog o rasporedu);¹

IMAJUĆI U VIDU da je Vijeće 3. decembra 2013. izjavilo da smatra da bi eventualni dokazni postupak odbrane trebalo da započne 13. maja 2014. godine;²

IMAJUĆI U VIDU da je odbrana prihvatila ovaj datum za početak svog dokaznog postupka;³

IMAJUĆI U VIDU podnesak tužilaštva od 24. februara 2014. godine, kojim obavještava da je završilo svoj dokazni postupak;⁴

OVIM ZAKLJUČUJE dokazni postupak tužilaštva;⁵

NALAŽE da se rasprava o eventualnim argumentima na osnovu pravila 98*bis* održi između 17. i 19. marta 2014. godine;

PODSJEĆA ODBRANU da, u skladu s Nalogom o rasporedu, Dragan Ivetić (član Mladićevog tima odbrane) može da u odsustvu branioca iznese usmenu argumentaciju odbrane na osnovu pravila 98*bis* u sudnici i da bude prisutan u sudnici (u odsustvu branioca) kada Vijeće bude donosilo odluku po pravilu 98*bis* samo pod uslovom da optuženi svoju saglasnost za to podnese prije 17. marta 2014. godine;

IZ GORENAVEDENIH RAZLOGA

¹ Nalog o rasporedu, 13. januar 2014.

² T. 20224.

³ T. 20709.

⁴ Obavijest tužilaštva o završetku izvođenja dokaza tužilaštva, 24. februar 2014.

⁵ Vijeće upućuje na svoju Drugu zbirnu odluku od 26. februara 2014. godine, fusnota 1, za ostala pitanja koja treba rješavati u sklopu dokaznog postupka tužilaštva.

NALAŽE sljedeće, u slučaju eventualnog dokaznog postupka odbrane:

- 1) odbrana mora podnijeti svoj spisak svjedoka i spisak dokaznih predmeta na osnovu pravila 65ter(G) Pravilnika o postupku i dokazima Međunarodnog suda (dalje u tekstu: Pravilnik) najkasnije 28. aprila 2014. godine;
- 2) odbrana mora ispuniti svoje obaveze u vezi s objelodanjivanjem na osnovu pravila 67(A) Pravilnika najkasnije 5. maja 2014. godine;
- 3) konferencija prije izvođenja dokaza odbrane na osnovu pravila 73ter Pravilnika će se održati 12. maja 2014. godine;
- 4) dokazni postupak odbrane će početi 13. maja 2014. godine.

Sastavljeno na engleskom i francuskom jeziku, pri čemu je mjerodavna verzija na engleskom.

/potpis na originalu/
sudija Alphons Orié,
predsjedavajući

Dana 26. februara 2014.
U Haagu,
Nizozemska

[pečat Međunarodnog suda]